








LIBI
MAKANDRA



"A fasi fa yu e taki mus'
de alaten nanga kenade, a
musu abi sowtu, dati yu
kan sabi fa yu musu piki
ibriwan sma" Kol. 4:6

**Ini a pisi di e go moro fu a aladei libi, fu a brifi ,
Pawles e skrifi abra fa a libi makandra musu de,ini
den difrenti miti makandra fu libisma.**

**Libi makandra e tya frekti nanga tak'taki. Dat'ede
switi libi makandra musu de, owktu wan agri musu
de san abi wa'rde, marki fu miti, nanga fa wi sa doro.**

**Pawles e gi wi reigel di wi kan gebroiki fu meki a
libimakandra mindri trowsma ,bigisma nanga
pikin,basi nanga srafu, mindri kerki brada nanga
kerki sisa nanga mindri bribisma nanga den di no e
bribi.**



- ➡️ Libimakandra fu trowsma.(Kol. 3:18,19)
- ➡️ Libimakandra fu bigisma nanga pikin negre.(Kol. 3:20,21)
- ➡️ Libimakandra fu basi nanga wrokoman.(Kol. 3:22-25;4:1)
- ➡️ Libimakandra ini Kerki (Kol.4:2-4)
- ➡️ Libimakandra nanga den di no e bribi.(Kol.4:5,6)

LIBIMAKANDRA FU TROWSMA

**"Trowmisi, saka yu srefi gi yu trowman, leki fa a fiti ini Masra.
Trowman, lobi yu wefi e'n no grofu nanga den."** (Kol. 3:18-19)



Den skrifi na a srefi ten, so den brifi fu Kolose nanga Efeise abi densrefi (owktu di de na mindri) rai fu trowsma.(Kol.3:18,19; Efeise 5:21-33).

**Trowmisi musu saka den srefi
gi den trowman.(Kol.
3:18;Efeise 5:22-24)**

**Trowman musu lobi den
trowmisi.(
Kol.3:19;Efeise 5:28)**

**A saka disi na wan agri
makandra (Efeise
5:21) e'n a mus' fiti ini
Masra ai."**

**Lobi den nanga
a srefi lobi di
Krestes ben
lobi wi.
(Efeise 5:25)**

**Den de
frantwortu gi den
bun fu skin
makandra.
(Efeise 5:29)**

**No "grofu"(no mek' den
kisi bita ati,no de
wreit,no meki den firi dat'
den de na katibo,den
no'm de yu srafu.)**



**Ala den trowsma musu wroko leki wan, taki
makandra e'n teki besroiti nanga wan sten,
pe a man de a edeman ini a famiri. Ibriwan
musu suku a bun fu a trawan.**

“Meki ibriwan gi lobi, no demandi lobi. Gro miti san de moro hei ini yusrefi e'n de esi fu si a bun ini makandra. Te yu sabi dati a trawan e si warti ini yu ,ai kraka yu, ai meki yu de tefreide. Firi fu makandra nanga respekti e kraka fu duen moro bun, so lobi srefi e gro e'n ai kraka wi fu go moro hei na bun sei. [...]

A uma musu respekti en masra. A masra musu lobi e'n de switi nanga en wefi; di den trow sweri e tyari den fu de wan, so srefi a bribi ini Krestes musu meki den de wan ini En. San Gado sa lobi moro , dan te ai si den di e go trow e suku makandra fu leri fu Yeises ,owktu fu abi En Yeye moro furu nanga den?”

LIBI MAKANDRA FU BIGISMA NANGA PIKIN NENGRE

"Pikin gi yu bigisma yesi ini alasan, bika Masra lobi so. Papa no meki yu pikin abi bita ati nanga yu, noso den sa lasi ati." (Kol. 3:20-21)



Ini a libimakandra fu tide, a wortu" bigiwan"(sobu mama nanga papa) wi musu gebroiki na trosma nanga pe wan nomo de(sobu wan ma noso wan pa).Leki fa Pawles e si en, wan gesontu libi makandra no didon soso na den bigiwan , ma owktu na den pikin srefi.



Frantwortu fu boi nanga uma pikin.(Kol. 3:20 ; Eif.6:1-3)

A spikri, dati pikin musu gi yesi

Disi skrifi ini a komandi di e meki fo

Moro fara , gi yesi abi en eigi blesi

Frantwortu fu bigisma(Kol. 3:21;Eif.6:4)

Tiri den sondro fu meki den las' ati. No meki den bruya

No meki den kisi atibron, fu di yu lasi pasensi,no de wan tu mofo gon

**Leri den, den pasi fu Gado.
(Deut. 6:6;Leri 22:6)**

Morgu nanga/noso neti anbegi leki famiri de prenspari fu wi pikin leri fu Gado, fu teki besroiti fu te'go libi. Wi no musu fergiti dati wi eksempre na san e leri wi pikin a moro bun fasi.



**“Pa nanga ma, meki den pikin fu yu si, dati yu lobi den e'n
dati yu sa du ala san yu man, fu meki den breiti . Efu yu du so
, den skotu fu yu di de fanowdu kan abi wan moro bigi krakti
ini den nyosi nyosi denki. Tiri yu pikin nanga safri ,nanga
lobi, memre dati den engel fu den na alaten e si a fesi fu Mi
Tata di de na ini heimel.” Efu winsi dati den engel du gi yu
pikin, a wroko di Gado gi den fu du, wroko makandra nanga
den , fu du san yu musu fu du”**

EGW (The Christian Home, p. 193)

WROKO MAKANDRA FU BASI NANGA WROKOMAN

"Srafu gi yu basi na grontapu yesi ini ala sani. Duen no soso te den e luku yu e'n fu meki den prisiri, ma nanga yu heri ati e'n respekti fu Masra" (Kol. 3:22)



A wroko makandra fu dini, di ben de ini a ten fu Pawles no ben de kweti kweti nanga a sortu srafu ten di onkoloku fasi, de te na a dei fu tide. Datmeki wi musu ferstan a rai disi na fa wi e si basi nanga wrokoman wroko makandra.



Fa wrokoman e tya den srefi (Kol. 3: 22-25; Eif.6:5-8)

Alaten du ala di yu kan, srefi efu no wan man e luku

Meki ala muiti fu du yu wroko moro bun ,di yu e duen gi Gado

Teki piri ai, te den abi leti

Bun wroko e pai

Wan takru basi no e puru a frantwortu fu saka wi srefi.(1 Pei. 2:18)

Fa basi e du (Kol. 4:1;Eif.6:9)

Tyari nanga rekfardek nanga reti

No warskow nanga dwingi

Ala basi abi wan basi na en tapu,pe a musu gi frantwortu

Wi ala, basi nanga wrokoman na dinari(srafu)fu Krestes,di wi e dini En.

“A no ben a wroko fu a apostel fu tyari orde, noso fu de refri ini a libi makandra ,fu proberi fu du disi ben sa hender a gro fu a bun nyunsu. Ma a leri sani di seki a fundamenti fu srafu ten ,di efu yu du den, ben sa seki a heri sistema. [...]

A komakandra fu den Kresten e tai wan hebi tai fu basi nanga srafu, kownu nanga dinari.a preikiman nanga a lagi sondari, di feni Krestes di e krin fu sondu. Den alamala wasi ini a srefi brudu. A srefi Yeye e gi den libi. Den ala tron wan ini Krestes Yeises”

LIBI MAKANDRA INI KERKI

"Blesi yusrefi fu begi,de na ai ,gi tangi" (Kol. 4:2)





Wi e kisi a trusu " fu begi gi makandra", bika" a begi fu wan rekfardek sma krakti, ai wroko "(Yak. 5:16).

Boiti den mamaten nanga neti begi, Pawles e stel fo'r dati wi mus begi na alaten.(Kol. 4:2;Eif.6:18;1 Thes. 5:17). Leki fa Neheimiya begi,nanga tap mofo, fesi a kownu (Neh.2:4) wi abi a okasi fu begi na ala presi nanga sitewasi.

Morofara wi abi a dyaranti dati a Santa Yeye sa frander wi begi fu meki a wroko.(Roma 8:26).

Pawles e aksi spesrutu fu begi gi den di e prati a bun nyunsu..(Kol. 4:3,4;Effe.6:19) A no abi trobi efu a preikiman abi pikinso noso furu ondrofeni in a panya fu a bun nyunsu; no wan sma bun nofo ini a wroko disi. Pawles ensrefi no ben begi wawan, ma owktu aksi den brada fu begi gi en, dati a ben sa taki den yoistu wortu.



“ini ala mui di wi e meki na ala presi pe wi a tyari a tru sani, a de fanowdu fu kisi ala sortu prakseri, difrenti maniri. Difrenti fasi nanga someni ede. Someni fasi fu wroko makandra. Alamala musu wroko fu gi rai makandra, fu begi makandra . Krestes e taki" efu tu fu yu sa agri na grontapu, san a kan de,e'n den sa aksi, dan a sa psa, mi Tata na heimel sa duen .(Mat. 18:19)”

LIBI MAKANDRA NANGA DEN DI NE BRIBI

"Koni nanga fa yu e libi nanga dorosei sma; gebroiki ala okasi a moro bun fasi."
(Kol. 4:5)



Wi abi bigi fordeil; wi ben leri san Yeises du gi wi; wi teki dati,owktu wi abi a dyaranti fu a blesi libi.

**Wi sabi disi bika wan sma taigi wi. So srefi wi musu prati en nanga trawan . Fa Pawles e taki , dati wi musu taki “ nanga den di de na doro”, den di no sabi Yeises ete?
(Kol. 4:5,6)**



Nanga koni

Wi abi fanowdu, a koni di e kon fu herimel"(Yak.3:17) ini wi libi makandra nanga den di no sabi Yrises ete

Nanga switi wortu

A wortu fu wi musu switi na alaten, so sma sa arki wi nanga prisiri

Nanga wortu "di abi sowtu"

Wi taki musu de na en presi,fu a sma di e arki nanga den sani di lontu den

Piki alasma fa a fiti

Sensi alasma de trafasi, a Santa Yeye sa tyari wi fa fu piki na ala momenti

“Tru switi taki di moksi nanga san tru nanga rekfardek, no e meki a libi wan bun fasi, ma owktu moi nanga switi smeri. Switi wortu, moi luku ,wan lafu fesi e hari sma. Sofasi sma no man de teige a winti di de nanga a Kresten. Te wi fergiti wi srefi, nanga a leti nanga freide e'n prisiri di ai trowe go gi trawan ten na ten, ensrefi e feni tru tru prisiri. Meki wi fergiti wisrefi, wi e wakti fu meki trawan prisiri, di wi e lekti den hebi fu den, fu di wi e du switi sani pe wi e sori lobi pe wi e fergiti wi serefi”